

欽定古今圖書集成明倫彙編氏族典

第六百二十卷目錄

尉遲姓部彙考

周書尉遲迴傳

廖用賢尚友錄尉遲姓

尉遲姓部列傳

北魏

尉遲俟兜

北周

尉遲迴

尉遲運

尉遲安

尉遲誼

尉遲順

唐

尉遲敬德

尉遲寶琳

尉遲勝

宋

尉遲繹

元

尉遲天澤

尉遲德誠

明

尉遲潤

純干姓部彙考

鄭樵通志代北複姓

純干姓部列傳

北周

純干廣略

唐

純干承基

純干衆

純單姓部彙考

凌迪知萬姓統譜純單姓

純單姓部列傳

唐

純單瑤

純奚姓部彙考

鄭樵通志代北複姓

純奚姓部列傳

北齊

純奚舍樂

乞佛姓部列傳

北魏

乞佛成龍

僕伯姓部列傳

元

僕伯寮遜

弗忌姓屈南姓純骨姓部彙考

凌迪知萬姓統譜弗忌姓屈南姓純骨姓

揭陽姓部彙考

廣東通志人物

揭陽姓部列傳

漢

揭陽足

越人姓部列傳

周

越人蒙

關門姓部列傳

漢

關門慶忌

沒盧姓部列傳

唐

沒盧贊心

兀顏姓部列傳

金

兀顏訛出虎

兀顏畏可

越椒姓越勒姓部彙考

鄭樵通志以名爲氏代北複姓

氏族典第六百二十卷

尉遲姓部彙考

周書

尉遲迴傳

尉遲其先魏之別種號尉遲部因而姓焉

廖用賢尚友錄

尉遲姓

尉遲太原徵音與後魏同起尉遲部之後孝文帝改

爲氏

尉遲姓部列傳

北魏

尉遲俟兜

按周書尉遲迴傳迴父俟兜性弘裕有鑒識尚太祖姊昌樂大長公主生迴及綱俟兜病且卒呼二子撫其首曰汝等並有貴相但恨吾不見爾各宜勉之

北周

尉遲迴

按周書尉遲迴傳迴字薄居羅代人也少聰敏美容儀及長有大志好施愛士尚魏文帝女金明公主拜駙馬都尉從太祖復弘農破沙苑皆有功累遷尚書左僕射兼領軍將軍迴通敏有幹能雖任衆文武頗允時望太祖以此深委仕焉梁武陵王紀在蜀稱帝令迴伐蜀紀降迴號令嚴肅軍無私焉詔迴爲大都督益潼等十八州諸軍事公州刺史自劍閣以南得承制封拜及黜陟迴乃明賞罰布恩威綏輯新邦經略未附迴性至孝色養不怠太祖知其至性徵迴入朝以慰其母意孝聞踐祚以迴有平蜀之功封蜀公宣帝卽位以迴爲大前疑出爲相州總管宣帝崩隋文帝輔政以迴望位風重懼爲異圖乃令迴子魏安公博齋諒書以會葬徵迴尋以郎公葬孝寬代之迴以隋文帝將圖篡遂謀舉兵留惇而不受代時越王招少子在國迴奉以就令迴弟子勤時爲青州總管亦從迴隋文帝徵兵討迴卽以孝寬爲元帥迴舊習軍旅人爲之力戰孝寬等軍失利而却郡中士女觀者如堵高頌與李詢整陣先犯觀者因其擾而乘之迴大敗遂入鄴迴走保北城孝寬縱兵圍之李

詢賀樓子幹以其屬先登迴上樓射殺數人乃自殺勤惇等東走追獲斬之

尉遲綱

按周書尉遲綱傳綱字婆羅蜀國公迴之弟也少孤與兄迴依託舅氏太祖西討關隴迴綱與母昌樂大長公主留於晉陽後方入關從太祖征伐以功拜殿中將軍大統元年討曹泥破之又從破寶泰以功封廣宗縣伯綱驍果有膂力善騎射太祖甚寵之委以心膂河橋之戰綱力戰衆皆披靡進爵爲公加侍中進爵昌平郡公十七年出爲華州刺史魏廢帝二年拜大將軍兼領軍將軍孝閔帝踐祚除小司馬又與晉公護廢帝武成元年進封吳國公保定元年拜少傅俄而授大司空二年出爲陝州總管七州十三防諸軍事陝州刺史四年晉公護東討乃配綱甲士留鎮京師綱以天子在宮必無內慮乃請出外頓於咸陽大軍還綱復歸鎮天和三年追論河橋之功封一子縣公四年五月薨於京師時年五十三

尉遲運

按周書尉遲運傳運大司空吳國公綱之子也少強濟志在立功魏大統十六年以父勳封安喜縣侯孝閔帝廢尊立世宗令運奉迎於岐州進爵周城縣公保定三年從楊忠攻齊之并州以功別封第二子端保城縣侯四年出爲隴州刺史垂情撫納甚得時譽天和五年入爲小右武伯六年齊將斛律明月寇汾北運從齊公憲寶之攻拔其伏龍城進爵廣業郡公宣帝在東宮高祖以運爲右宮正衛刺王直作亂運率留守兵擊之直大敗而走授大將軍拜柱國進爵

盧國公宣政元年轉司武上大夫總宿衛軍事運之爲宮正也數進諫於帝帝不能納反疎忌之大象元年二月遂以憂薨時年四十一諡曰中子靖嗣大象末儀同大將軍

尉遲勤

按周書尉遲綱傳綱子運運弟勤少歷顯位大象末青州總管起兵應伯迴

尉遲安

按周書尉遲綱傳綱第三子安以嫡嗣大象末位至柱國

尉遲敬

按周書尉遲綱傳安弟敬尚世宗女河南公主位至儀同三司

尉遲詒

按萬姓統譜詒開府資中郡公

尉遲寬

按萬姓統譜寬迴子以迴平蜀功授開府安國郡公後以女爲宣帝后拜上柱國封服國公

尉遲順

按萬姓統譜順寬弟大將軍長樂郡公

尉遲惇

按萬姓統譜惇順弟軍正下大夫

唐

尉遲敬德

按唐書尉遲敬德傳敬德名恭以字行朔州善陽人隋大業末從軍高陽積閱爲朝散大夫劉武周以爲偏將與宋金剛南侵武德二年秦王遣任城王道宗

宇文士及論之乃降引爲右一府統軍從擊王世充
單雄信者賊驍將也騎直趨王敬德躍馬大呼橫刺
雄信墜大敗之實建德營板渚敬德略其壘大破之
又被徐圓朗以功授王府左二副護軍其後隱巢計
日急敬德與長孫無忌進計太子死敬德趨元武門
元吉將窘王敬德射殺之秦王爲皇太子授左衛率
論功爲第一除右武侯大將軍封吳國公突厥入寇
授涇州道行軍總管與戰敗之敬德所得財必散之
士卒然姪直頗以功自負出爲襄州都督累遷同州
刺史改封鄂國歷鄜夏二州都督老就第授開府儀
同三司顯慶三年卒年七十四冊贈司徒并州都督
諡曰忠武陪葬昭陵

尉遲者福

按周書尉遲迴傳武德中迴從孫庫部員外郎者福
上表請改葬朝議以迴忠於周室有詔許之

尉遲寶琳

按唐書劉延祐傳延祐從弟藏器高宗時爲侍御史
衛尉卿尉遲寶琳育人爲妾藏器劾還之

尉遲瓌

按唐書吐蕃傳開元二年遣左驍衛郎將尉遲瓌使
吐蕃慰安公主

尉遲勝

按唐書尉遲勝傳勝本王于闐國天寶中入朝元宗
以宗室女妻之授右威衛將軍毗沙府都督歸國擊
破薩毗播仙累進光祿卿安祿山反勝使弟曜攝國
事身率兵五千赴難肅宗嘉之拜特進兼殿中監加
開府儀同三司封武都郡王是封百戶勝請授國於

曜詔可上元初曜上言勝讓國請立其子銳帝欲還
銳襲王勝固辭當是時兄弟讓國人莫不賢之卒贈
涼州都督

宋

尉遲繹

按萬姓統譜繹濰州人

元

尉遲天澤

按元史尉遲德誠傳德誠祖天澤仕金爲庫官郡王
帶孫拔絳州天澤在俘中道見兵死者輒涕泣收瘞
之帶孫令佩金符授霍州御衣局人匠總管

尉遲鼎

按元史尉遲德誠傳德誠父鼎仕至潞州知州

尉遲德誠

按元史尉遲德誠傳德誠字信甫絳州人歷官太子
率更丞至大二年遷家令司丞仁宗以爲謹恪常賜
酒帛得侍左右數薦士出則未嘗語人陸家令四年
選爲河東山西道宣慰司同知擊姦吏寬稅斂罷工
部尚書未拜改陝西行臺治書侍御史延祐元年遷
京畿都漕運使二年拜遼東道肅政廉訪使上疏言
事其略曰勞諸王以懷其心防出入以嚴宮禁立諫
官以遠讒佞崇科舉以求人材立常平以備荒年汰
僧道以寬民力舉賢良以勵忠孝抑奢侈以厚風俗
及孫鈔法裁冗官等事未報而卒年五十三

明

尉遲潤

按萬姓統譜潤漳昌人洪武中興化府通判勸農桑

興學校以公勤清白著聞

乾干姓部彙考

鄧樵通志

代北復姓

乾干氏代人孝文改爲干氏

乾干姓部列傳

北周

乾干廣略

按北齊書斛律金傳金子光襲爵威陽王周遣其柱
國紇干廣略固宜陽光率衆赴之大戰於城下乃取
周建安四戊而還

唐

乾干承基

按萬姓統譜承基刺客

紇干遂

按唐書吐蕃傳貞元八年取黑水瑤城之九年以兼御史紇干遂與兼中丞杜彥光成之

紇干衆

按唐書藝文志紇干衆序通解錄一卷註衆字咸一大中江西觀察使

紇單姓部彙考

凌迪知萬姓統譜

紇單姓

紇單改爲單

紇單姓部列傳

唐

紇單瑤

按萬姓統譜瑤曰者

紇奚姓部彙考

鄧樵通志

代北復姓

紇奚氏改爲紇氏

紇奚姓部列傳

北齊

紇奚舍樂

按北齊書陳元康傳苗固成殺世宗元康被傷而終庫直紇奚舍樂扞賊死

紇奚永安

按北齊書傳伏傳後主失并州使開府紇奚永安告急於突厥他鉢略可汗及聞齊滅永安抗言曰本國既敗永安豈惜賤命惟乞一刀以顯示遠近他鉢嘉其壯烈贈馬而歸

乞佛姓部列傳

北魏

乞佛成龍

按魏書高宗本紀太安二年二月丁零數千家爲寇詔并州刺史乞佛成龍討平之

偃伯姓部列傳

元

偃伯寮遜

按單縣志寮遜任單州守修崇學校始終成就士習事新

弗忌姓屈南姓紇骨姓部彙考

凌迪知萬姓統譜

弗忌姓

弗忌姬姓晉大夫欒弗忌之後

屈南姓

屈南半姓楚屈全之後裔孫仕魏時重復姓以自南來乃加南

紇骨姓

紇骨後魏獻帝兄紇骨氏爲十姓居代北

揭陽姓部彙考

廣東通志

人物

史祿秦始皇時以史監郡者也其先越人贅咸陽至祿仕於秦始皇帝使尉屠睢伐百越遣祿轉餉鑿渠通糧道於陽海山下又利灌田時謂之靈渠及屠睢死於粵祿遂家揭嶺長子孫焉因以史爲氏傳至揭陽令定事南越又謂之揭陽定從所令邑配名也呂嘉之亂定聞漢兵至降於伏波武帝聞其降以爲功元鼎六年三月乙酉封定安道侯邑六百戶子當時嗣侯延和四年坐罪國除今揭陽史氏猶盛

揭陽姓部列傳

漢

揭陽定

按漢書功臣侯表定武帝時以南越揭陽令降封安道侯

揭陽當時

按漢書功臣侯表當時嗣侯延和四年坐殺人棄市

越人姓部列傳

周

越人蒙

按史記鄒陽傳齊用越人蒙而彊威宣

關門姓部列傳

漢

關門慶忌

按漢書儒林傳關門慶忌鄒人申公弟子爲博士至膠東內史

沒盧姓部列傳

唐

沒盧贊心

按唐書吐蕃傳鄯州節度使尚婢婢姓沒盧名贊心牙羊同國人

兀顏姓部列傳

金

兀顏訛出虎

按金史兀顏訛出虎傳訛出虎隆安府猛安人大定二十八年進士累官補尚書省令史除順天軍節度副使名爲治書侍御史刑部員外郎單州刺史戶部郎中河東北路按察副使同知大興府事泰州防禦使丁母憂起復泗州防禦使遷武軍軍節度使徙河平軍兼都水監坐前在武軍奏軍功不實降沂州防禦使遷汾陽軍節度使兼經略使興定二年九月城被死焉

兀顏畏可

按金史兀顏畏可傳畏可隆安路猛安人補親軍充護衛除益都總管府判官中都兵馬副都指揮使累官香州刺史貞祐初爲左衛將軍拱衛直都指揮使山東副統軍安化軍節度使土賊據九仙山爲巢穴畏可擁衆不擊賊愈熾東平行省蒙古綱効奏畏可不任將帥朝廷不問改鎮西軍權經略副使歷全安武勝軍興定四年改泰定軍是歲五月兗州破死焉

越椒姓越勒姓部彙考

鄭樵通志

以名爲氏 楚人名

越椒氏半姓楚大夫越椒之後也

代北複姓

越勒氏後魏有越勒部因氏焉

欽定古今圖書集成明倫彙編氏族典

第六百二十一卷目錄

達奚姓部彙考

鄭樵通志代北複姓

凌迪知萬姓統譜達奚姓

達奚姓部列傳

北周

達奚武

達奚寔

達奚儒

隋

達奚長儒

達奚通

唐

達奚珣

楊冠姓部彙考

夏樹芳奇姓通楊冠姓

楊冠姓部列傳

周

楊冠子

幹勒姓部彙考

金史國語解

幹勒姓部列傳

金

幹勒忠

抹撚姓部列傳

金



抹撚史托搭

抹撚靈忠

抹撚胡魯刺

抹撚兀典

答祿姓部列傳

明

答祿與權

脫脫姓部列傳

明

脫脫卜花

幹雅姓抹顏姓葛伯姓達步姓渴俟姓渴單姓薩

孤姓褐餘姓部彙考

金史國語解

鄭樵通志以國語爲氏 代北複姓

凌迪知萬姓統譜薩孤姓 褐餘姓

拔略姓部彙考

鄭樵通志代北複姓

拔略姓部列傳

北魏

拔略祖

拔也姓部彙考

鄭樵通志代北複姓

拔也姓部列傳

北魏

拔也惡蚝

滑伯姓部彙考

鄭樵通志以國語爲氏

氏族典第六百二十一卷

達奚姓部彙考

鄭樵通志

代北複姓

達奚氏後魏獻帝第五弟之後爲十姓遠祖長寧公

革生司空斤亦單姓奚氏與于婁賀劉尉爲北人八

族斤元孫武後周太保大冢宰鄭國公

凌迪知萬姓統譜

達奚姓

達奚後魏獻帝第五弟之後爲十姓

達奚姓部列傳

北周

達奚武

按周書達奚武傳武字成興代人也祖眷魏懷荒鎮將父長汧城鎮將武少側儻好馳射爲賀拔岳所知岳征關右引爲別將遂委心事之以戰功拜羽林監子都督及岳爲侯莫陳悅所害武與趙貴收岳屍歸平涼同胡載太祖從平悅除中散大夫封須昌縣伯邑三百戶魏孝武入關授直寢轉大丞相府中兵參

軍大統初出爲東秦州刺史進爵爲公神武越沙苑太祖復遣武追之具知敵之情狀遂從破之除大都督進爵高陽郡公拜車騎大將軍儀同三司四年太祖援洛陽武率騎一千爲前鋒至穀城與李弼破莫多輩貨文進至河橋武又力戰斬其司徒高叔曹還侍中驍騎大將軍開府儀同三司出爲北雍州刺史梁州刺史宜豐侯蕭固守南鄭武圍之梁武陵王肅紀遣其將楊乾運等將兵萬餘人救循道擊乾運大破之循知援軍破乃降率所部男女三萬口入朝自劍以北悉平明年武振旅還京師初欲以武爲柱國武謂人曰我作柱國不應在元孝前固辭不受以大將軍出鎮玉壁武乃量地形勝立梁昌胡管新城三防齊將高苟子以千騎攻新城武邀擊之悉擒其衆孝閔帝踐祚拜柱國大司寇武成初轉

太宗伯進封鄭國公齊將斛律敦侵汾絳武以萬騎禦之敦退梁築柏壁城留府推嚴蔚羽生守之保定三年遷太保天和二年轉太傅武賤時奢侈好華飾及居重位不持威儀行常單馬左右止一兩人而已外門不施戟恆晝掩一扉武性貪恠時論深鄙焉五年十月薨年六十七諡曰桓子震嗣

達奚亮

按周書達奚亮傳武子震牛猛略少驍勇便騎射走及奔馬臂力過人大統初起家員外散騎常侍十六年封昌邑縣公一千戶累遷撫軍將軍銀青光祿大夫通直散騎常侍車騎大將軍儀同三司散騎常侍世宗初拜儀同右中大夫加驍騎大將軍開府儀同三司改封普寧縣公武平初進爵廣平郡公除華州

刺史震導民訓俗頗有治方秩滿還朝爲百姓所戀保定四年大軍東討諸將皆奔退震與敵交戰軍遂獨全天和元年進位大將軍率衆征稽胡破之六年拜柱國建德初襲爵鄭國公從平鄴拜大宗伯宣政中出爲原州總管罷歸隋開皇初薨於家震弟恭車騎將軍渭南縣子大象末爲益州刺史與王謙據蜀起兵尋敗被誅

達奚亮

按周書達奚亮傳亮字什伏代河南洛陽人也高祖涼州魏征西將軍山陽公父顯相武衛將軍亮少修立有幹局起家給事中加冠軍將軍魏孝武初授都督鎮弘農後從西遷封臨汾縣伯遷大行臺郎中仍與行臺郎神鎮潼關及潼關失守即與大都督陽山武戰於關東魏人甚憚之從太祖擒寶泰復弘農沙苑皆力戰有功加車騎將軍左光祿大夫十三年授大行臺郎中相府掾轉從事中郎亮性嚴重太祖深器之六官建拜蕃部中大夫進爵平陽縣公保定元年出爲文州刺史卒於州時年四十九諡曰恭子豐嗣

達奚基

按萬姓統譜基代人大象末爲益州刺史

達奚儒

按周書靜帝本紀大象二年八月沙州氏帥楊末安聚衆應王謙遣大將軍樂軍公達奚儒討之

隋

達奚長儒

按隋書達奚長儒傳長儒字富仁代人也祖侯魏定

州刺史父慶驍騎大將軍儀同三司長儒少懷節操膽略過人十五襲爵樂安公周太祖引爲親信平蜀之役恆爲先鋒攻城野戰所當必破之除車騎大將軍儀同三司從帝平齊遷上開府進爵成安郡公宣政元年除左前軍勇猛中大夫後與烏丸軌圍陳將吳明徹於呂梁水陸俱發大破之獲吳明徹以功進位大將軍高祖受禪進位上大將軍封斯春郡公開皇二年突厥沙鉢略可汗寇掠而南詔以長儒爲行軍總管率衆二千擊之長儒兵皆力戰幽意大沮授寧州刺史尋轉鄜州刺史母憂去職長儒性至孝水漿不入口五日毀悴過禮始將減性天子嘉歎起爲夏州總管復轉荊州總管咸餘卒官諡曰威子嵩大業時官至太僕少卿

達奚明

按萬姓統譜明大業末爲深陽令存心愛民每疏涇瀆以備旱潦民皆懷之

達奚通

按隋書齊王暕傳京兆人達奚通有妾王氏出入王家御史劾暕帝窮治其事

達奚善意

按隋書王文同傳文同爲恆山郡丞巡察河北諸郡筆殺數百人帝遣使達奚善意馳鎮之斬於河間

唐

達奚珣

按唐書元宗本紀天寶十四年十一月河南尹達奚珣叛降於安祿山

達奚觀

按唐書崔瓌傳瓌遷湖南觀察使別將臧玠判官達奚觀忿爭玠以兵殺觀瓌遇害

褐冠姓部彙考

夏樹芳奇姓通

褐冠姓

褐冠風俗通賁人以褐冠爲姓

褐冠姓部列傳

周

褐冠子

按奇姓通褐冠子善著書

幹勒姓部彙考

金史

國語解

幹勒曰石

幹勒姓部列傳

金

幹勒忠

按金史幹勒忠傳忠本名宋浦蓋州人也習女直契丹字歷兵部樞密院尚書省令史再轉大理寺知法遷右三部司正練達邊事嘗奉命使北歸致馬四千餘匹詔褒諭之大定二十六年爲監察御史轉尚書省都事章宗立遷尚書兵部員外郎出爲滄州刺史河東路提刑副使徙單移刺古舉以自代改滕州刺史嘗調發黃河船數以稽期聽贖授北京副留守入爲同簽樞密院事兼沂王傅承安二年拜武寧軍節度使致仕泰和三年卒年七十一忠性敦慈通法律以直自守不交權貴故時譽歸之

幹勒合打

按金史幹勒合打傳合打蓋州本得山猛安人以廩補官充親軍調陰山尉縣當兵衝合打率土豪官兵身先行陣貞祐初以功遷本縣令縣陞爲忠州合打充刺史州被兵久耕桑俱廢詔徙其民於太和嶺南

合打遷授同知太原府事仍領其衆俄以本官遷授彰德軍節度使權河東北路宣撫副使督糧餉往代

州合打不欲行真完顏伯嘉等奏聞改遷武寧軍節度使興定元年復爲勸農使歷知河間府權元帥右都監行元帥府事駐兵察思間權同簽樞密院事守河清改知歸德府事合打歷守邊要無他將略雖未嘗敗北亦無大功元光元年卒

抹撚姓部列傳

金

抹撚史挖搭

按金史抹撚史挖搭傳史挖搭臨潢路人也其先以功授世襲謀克史挖搭幼襲守邊有勞泰和六年南鄙用兵授同知蔡州防禦使事遣成宿州十月以史挖搭爲驍騎將中軍副統克安豐軍戰獲丘花屬功居多十二月從攻和州中流矢卒史挖搭形不過中人而拳勇善鬪所用槍長二丈軍中號爲長槍副統又工用手箭箭長不盈握每用百數散置鎧中遇敵抽箭以鞭揮之或以指針取飛擲數矢齊發無不中敵以爲神其箭皆以智創雖子弟亦不能傳其法在北鄙守厭山營敵尤畏之不敢近及死將士皆惋惜之

抹撚盡忠

按金史抹撚盡忠傳盡忠本名彖多上京路猛安人中大定二十八年進士第調高陽朝城主簿御史舉廉能遷順義軍節度副使起復翰林修撰同知衛昌

脫脫姓部列傳

明

脫脫卜花

按陝西通志卜花永昌衛上人末樂八年兀馬兒沙等謀叛卜花發其奸馳報甘州總鎮賊執其妻子掠其財畜卜花度志弗伸自刎而死事聞上嘉其忠陞其子帖木兒任本衛鎮撫賜襲衣冠帶紗緞孫孕兒只正統間以功賜趙姓陞指揮僉事

幹准姓抹顏姓葛伯姓達步姓渴俟姓渴單姓薩孤姓褐餘姓部彙考

金史

國語解

幹准曰趙

抹顏曰孟

鄭樵通志

以國爵爲氏

葛伯氏羸姓夏時諸侯爲商所滅子孫因以爲氏許州鄆城北三十里有葛伯城

代北複姓

達步氏周文帝妃達步氏生齊王憲茹茹人

渴俟氏改爲紙氏

渴單氏改爲單氏

凌迪知萬姓統譜

薩孤姓

薩孤代人隨魏而北

褐餘姓

褐餘潛夫論曲沃桓之後

拔略姓部彙考

鄭樵通志

代北複姓

拔略氏後魏官氏志拔略改爲蘇氏

拔略姓部列傳

北魏

拔略昶

按鄭樵通志北魏有都督拔略昶

抹撚胡魯剌

按金史宣宗本紀興定二年十二月以禮部侍郎抹撚胡魯剌爲汾陽軍節度使

抹撚兀典

抹撚兀典

按金史哀宗本紀天興二年六月召徐州行省完顏忽斜虎赴行在以抹撚兀典代行省事

答祿姓部列傳

明

答祿與權

按萬姓統譜與權永寧人博學強記仕元爲河南北道廉訪司僉事洪武初以故官起赴京授秦府紀善改監察御史除廣西按察司僉事擢翰林院修撰以應奉致仕

拔也姓部彙考

鄭樵通志

代北複姓

拔也氏與斛律同祖爲拔也部因氏焉

拔也姓部列傳

北魏

拔也惡氍

按周書太祖本紀太祖令夏州刺史拔也惡氍鎮南秦州

滑伯姓部彙考

鄭樵通志

以國爵爲氏

滑伯氏姬姓舊河南緱氏縣卽其地今廢爲鎮隸偃師

欽定古今圖書集成明倫彙編氏族典

第六百二十二卷目錄

悅力姓部彙考

鄭樵通志 代北複姓

悅力姓部列傳

北魏

悅力延

啜刺姓部彙考

鄭樵通志 代北複姓

啜刺姓部列傳

唐

啜刺真

啜刺元崇

析成姓部彙考

鄭樵通志 複姓

析成姓部列傳

周

析成組

跌跌姓部彙考

鄭樵通志 代北複姓

跌跌姓部列傳

唐

跌跌恩泰

薛孤姓部列傳

北齊

薛孤延

鐵力姓部列傳

明

鐵力必失

迭里姓部列傳

元

迭里彌實

列宗姓鐵伐姓鐵弗姓折掘姓折婁姓部彙考

鄭樵通志 以族爲氏 代北複姓

落姑姓部彙考

凌迪知萬姓統譜 落姑姓

落姑姓部列傳

漢

落姑仲異

若干姓部彙考

周書 若干惠傳

若干姓部列傳

北魏

若干樹利周

若干惠

若干寶

北周

若干鳳

隋

若干洽

唐

若干則

若敖姓部彙考

凌迪知萬姓統譜 若敖姓

若敖姓部列傳

周

若敖越椒

若敖成虎

若久姓部彙考

鄭樵通志 代北複姓

若久姓部列傳

北魏

若久和

索盧姓部彙考

鄭樵通志 複姓

索盧姓部列傳

周

索盧參

漢

索盧恢

後漢

索盧放

晉

索盧曜

莫折姓部彙考

鄭樵通志 關西複姓

莫折姓部列傳

北魏

莫折大提

莫折念生

莫折阿倪

莫折天生

莫折伯珍

莫折安保

莫折阿胡

莫折普賢

北周

莫折後燾

莫者姓部彙考

鄭樵通志 代北複姓

莫者姓部列傳

晉

莫者殺短

莫者幼春

莫者阿胡

莫侯姓部彙考

鄭樵通志 代北複姓

莫侯姓部列傳

晉

莫侯悌

悅力姓部列傳

北魏

悅力延

按鄭樵通志延後魏謁者

析成姓部彙考

鄭樵通志

複姓

析成氏左傳齊有析成鉏

析成姓部列傳

周

析成鉏

按萬姓統譜鉏齊人

氏族典第六百二十二卷

悅力姓部彙考

鄭樵通志

代北複姓

後魏有謁者悅力延

啜刺姓部列傳

唐

啜刺眞

按鄭樵通志眞突厥首領長壽中司僕卿同正榆林伯

啜刺元崇

按鄭樵通志眞子元崇左威衛將軍同正樓煩男生環尚末壽奉御

跌跌姓部彙考

鄭樵通志

代北複姓

跌跌氏北齊首領

跌跌姓部列傳

唐

跌跌思恭

按唐書郭知運傳突厥降戶阿悉爛跌思恭率衆叛執單于都護張知運詔以朔方兵追擊至黑山呼延谷敗之

薛孤姓部列傳

北齊

薛孤延

按北齊書薛孤延傳延代人也少曉果有武力行臺劉貴表爲都督加征虜將軍賜爵永固縣侯後隸高祖爲都督從起義破余朱兆因從平鄴以功進爵爲公從破周文帝于邙山進爵爲縣公入爲左衛將軍改封平秦郡公齊受禪別賜爵都昌縣公性好酒率多昏醉而以勇決善戰每大軍征討常爲前鋒天保二年爲太子太保八年除肆州刺史加開府儀同三司

鐵力姓部列傳

明

鐵力必失

按萬姓統譜必失句客人永樂中任鴻臚寺序班

迭里姓部列傳

元

迭里彌實

按元史迭里彌實傳彌實字子初回回人性剛介事母至孝年四十猶不仕或問之曰吾不忍舍吾母以去也以宿衛年勞授行宣政院崇教三遷爲漳州路達魯花赤民甚安之大明兵既取福州興化泉州皆納款或以告迭里彌實仰天歎曰吾不材位三品國恩厚矣其何以報乎報國恩者有死而已亡何吏走白招諭使者至請出城迓之迭里彌實從容語之曰爾第往吾行出矣乃詣廳事具公服北面再拜畢引斧斫其印文又大書手版曰大元臣子卽入位端立拔所佩刀刺喉中以死既死猶手執刀按膝坐儼然如生時郡民相聚哭庭中殮其屍葬東門外

鄭樵通志

以族爲氏

列宗姓鐵伐姓鐵弗姓折掘姓折事姓部彙考

代北複姓

鐵伐氏赫連勃勃以本宗之支庶非正統者並爲鐵伐氏

鐵弗氏改爲弗氏

折掘氏南涼錄禿髮儁立折掘氏爲皇后

折婁氏本鮮卑隨魏南徙

落姑姓部彙考

凌迪知萬姓統譜

落姑姓

落姑魯大夫食采於落姑因氏焉

落姑姓部列傳

漢

落姑仲異

按萬姓統譜仲異漢人

若干姓部彙考

周書

若干惠傳

若干其先與魏氏俱起以國爲姓者也

若干姓部列傳

北魏

若干樹利周

按周書若干惠傳惠父樹利周從魏廣陽王深征葛榮戰沒贈冀州刺史

若干惠

按周書若干惠傳惠字惠保代郡武川人也年弱冠從尙朱榮征伐以功拜中堅將軍復從賀拔岳西征解岐州圍擒万俟醜奴平末洛定隴右封北平縣男

及岳爲侯莫陳悅所害惠翊戴太祖從平悅拜直閣將軍魏孝武西遷進爵魏縣伯出爲北華州刺史大統初進爵爲公從擒寶泰復弘農破沙苑惠每先登陷陣進爵長樂郡公四年與齊神武戰于河橋破之七年遷中領軍尋遷司空惠性剛質有勇力容貌魁岸善於撫御將士莫不懷恩人思效節十二年侯景侵襄州惠率兵擊走之明年鎮魯陽遇疾薨於軍惠早喪父事母以孝聞贈秦州刺史諡曰武烈

若干寶

按北齊書斛律金傳西魏使其大都督李景和若干寶領馬步數萬赴援侯景金率衆邀之景和等聞而退走

北周

若干鳳

按周書若干惠傳惠薨子鳳嗣鳳字達摩少沉深有識度大統末襲父爵長樂郡公尙太祖女魏廢帝二年授驃騎大將軍開府儀同三司魏恭帝三年除左官伯尋出爲洛州刺史徵拜大駟中大夫保定四年追錄佐命之功封鳳徐國公增邑并前五千戶建德二年拜柱國

隋

若干洽

按隋書高祖本紀開皇十一年三月遣通事舍人若干洽使于吐谷渾

唐

若干則

按萬姓統譜則洪州防禦使

若敖姓部彙考

凌池知萬姓統譜

若敖姓

若敖者楚君熊義字也或曰楚國尊者稱敖如霄敖鄭敖之類是也

若敖姓部列傳

用

若敖越椒

按左傳宣公四年初楚司馬子良生子越椒子文曰必殺之是子也熊虎之狀而豺狼之聲弗殺必滅若敖氏矣子良不可子文以爲大戚及將死聚其族曰椒也知政乃速行矣無及于難且泣曰鬼猶求食若敖氏之鬼不其餒而于越爲令尹乃以若敖之族圖伯庸于轅陽而殺之將攻王秋七月戊戌楚子與若敖氏戰于臯汭鼓而進之遂滅若敖氏令尹子文孫箴尹克黃使于齊還及宋聞亂遂歸復命而自拘于司敗王思子文之治楚國也使復其所改命曰生若敖成虎

之

按左傳昭公十二年楚子謂成虎若敖之餘也遂殺之

若久姓部彙考

鄭樵通志

代北複姓

若久氏後燕步兵校尉若久和

若久姓部列傳

北魏

若久和

按鄭樵通志和步兵校尉

索盧姓部彙考

鄭樵通志

複姓

索盧氏呂氏春秋食滑釐門人索盧參後漢淮陽令

索盧放

索盧姓部列傳

周

索盧參

按黃姓統譜參禽滑釐門人

漢

索盧恢

按漢書王莽傳莽地皇三年冬無鹽索盧恢等舉兵反城廉丹王匡攻拔之斬首萬餘級注師古曰索盧姓也恢名也

後漢

索盧放

按後漢書索盧放傳放字君陽東郡人也以尚書教授千餘人初署郡門下掾更始時使者督行郡國太守有事當就斬刑放願以身代遂前就斬使者義而赦之由是顯名建武六年徵為洛陽令政有能名以病乞身徙諫議大夫數納忠言後以疾去建武末復徵不起光武使人與之見於南宮雲臺賜穀二千斛遣歸除子為太子中庶子卒於家

晉

索盧曜

按晉書姚萇載記燉煌索盧曜請刺苻登萇曰卿以身殉難將為誰乎曜曰臣死之後深以友人隴西辛翼仰託萇遺之事發為登所殺萇以還為騎都尉

莫折姓部彙考

鄭樵通志

關西複姓

莫折氏本西羌世居渭州襄武縣

莫折姓部列傳

北魏

莫折大提

按魏書蕭寶寅傳秦州人薛珍等反推莫折大提為首自稱秦王

莫折念生

按魏書蕭寶寅傳莫折大提死其第四子念生竊號天子改年曰天建立官寮數年為其常山王杜粲所殺合門皆盡

莫折阿倪

按魏書蕭寶寅傳莫折念生以其兄阿倪為西河王

莫折天生

按魏書蕭寶寅傳莫折念生以其弟天生為高陽王遣出隴東攻沒汧城陷岐州遂寇雍州朝廷除寶寅大都督西征

莫折伯珍

按魏書蕭寶寅傳莫折念生以其弟伯珍為東郡王

莫折安保